





聖宋名賢五百家播芳大全文粹卷六十一

賀啟

賀梁提刑啟

張文饒

伏審榮被絲綸寵溢十行之札肅膺繡斧光分六轡  
之馳使指載臨懽聲同致恭惟某官識窮今古學  
際天人少鍾吐鳳之才蚤遂飛鵬之志華聯棣萼難  
為弟而難為兄香襲桂枝無是父而無是子况薦書  
於成績宜進陟於要津果膺天眷之隆擢畀星軺之



寵蓋憑君子之議獄無使小人之犯刑好生之德洽  
民心勉將明命大化之後亡人獄即奏成功任鞠草  
於園扉歸睽荷於從索某虜頭相薄猿臂數竒冒寵  
南郊偶被陰陽之寇丐歸西蜀曲蒙造化之私更叨  
行使之分即遂瓜時之晚夜占星於益部已劇忻愉  
日仰斗於韓門第勤歸向

賀王提刑兼提泉啟

邵懷英

伏審榮奉絲綸顯膺繡斧受知萬乘夙揚卿月之輝

坐鎮兩臺益煥使星之望凡居休庇莫不愉忻恭惟

提刑大卿學識造微才猷經遠剛方自信瓊琳粹

圭璧之資勁特不回松柏凜棟梁之器早緣簡注備

歷顯華仰高名全節之爛然見盛德元勳之籍甚姑

從勇退密寄哀矜兼提九路之權綱彌眷四方之瞻

聽民無冤者方選衆而舉臯陶帝曰俞哉行協夢而

得傳說非敢為佞也斯拱而俟之伏念某鈇槩腐儒

箕裘冷族名薦書齒下士雖曰未能了公事作癡兒



尚期寡過載惟庇賤猥託照臨維梓必恭實辱在編  
氓之數及瓜而往又叨承約束之餘雖疎愚無取於  
秋毫念幸會獲依於夏屋蹇步儻蒙於鞭策頑金永  
藉於陶鎔始終扶持俯仰媿懼未遂望塵之拜輒先  
脩記之誠秋令方行祥猷未歛室家相慶惟仁威刑  
恕之施福祿來宜異飲食起居之適其諸悃悞莫既  
染濡

賀沈提刑啟

王德立

伏審顯膺宸煥就易使名四牡載馳雖爵公歸之望  
三章所寄益知帝簡之隆凡與庇休舉增欣抃恭惟  
某官淵冲內蘊峻潔外孚貫道以文妙寫先傳之  
學得時則駕適當獨斷之辰贊國是以一言章臺網  
於衆正李勉論事固增重於朝廷汲黯直躬終少違  
於禁闥理翰望著攬轡風行逮此暮年之成聿為諸  
道之法乃遷瑞節留惠遠人如國多祥景星仍出其  
分若歲上熟嘉雨自為之霖事由心一以素明政以



令三而必信坐格平反之效趣還清切之途某夙奉  
教條首聞休命借鄰人之燭久已被於餘光有刺史  
之天忽遂蒙於私覆其為踴躍實倍等倫

賀馬提刑啟

魏伯友

一麾出守久為畫戟之森嚴八使巡行旋被繡衣之  
寵渥恩結巴江之上歡騰錦水之濱尚竊庇休愈深  
拊蠲恭惟 某官文章天巧學術淵深心曲薰香得  
周孔曾顏之妙筆頭摘藻追班揚韓柳之文久推衡

鑑之公明解使魚龍之變化斯文明主吾道儒宗竹  
冷松寒笑浪蘂浮花之淺峯孤鳥絕覺千巖萬壑之  
卑肆出英聲薦膺膺仕金蓮夜照宜參十八士之遊  
銅虎遠分豈止二千石之寄上素聞為郡之惠愛獄  
亦貴得情而哀矜春動綸言霜飛玉節兒童父老喜  
瞻六轡之飛馳草木江天更得二天庇之覆某青衫  
進後黃卷晚生雖索米無能已落塵埃之域而樞衣  
請益歸道德之師匪朝行遂於解龜拭目爭先於觀



鳳其於欣摧曷究敷陳

賀劉提刑啟

陳元與

祇膺宸綍肅擁使軺總姬室之祥刑董閩封之劇部  
凡居甄播舉集欣愉恭惟某官器略宏深風猷秀  
整幸際亨嘉之會亟躋清要之途含香握蘭早被九  
重之注倚登車攬轡獨揚八郡之光華凡當弄兵於  
潢池皆為服田之赤子憂覓南顧業贊中興威德並  
行已掬園扉之茂草罷靈方渥竚封行闕之紫泥某

受地一廛幸依雲庇効官千里阻覲霞標屬警備於  
鄰封稽修誠於記室瞻思清切喜惟愧并

賀何提刑啟

許仲應

伏審力避寵榮特膺靈遣錦闈漢省久為醞藉之郎  
繡指閩封遠見光華之使澄清伊始潤澤惟新恭惟  
提刑郎中儂韻粹清神標凝茂傳家之學源深而  
流長經國之文芒寒而色正蚤由妙簡亟踐要塗白  
日到羲皇雖厭朝班之集青天上蜀道尚煩使傳之



征逮歸逐於追鋒盍即聯於從橐復還永退殊鬱衆  
情詳讞平反暫按列城之重訂謨獻納佇躋兩禁之  
崇某猥領將輸幸聯事任京華旅食念嘗歎於下風  
原隰再馳願更資於美蔭

賀陳提刑啟

沈元用

被命中宸陞華內閣駕軺車而載進管憲府以增嚴  
凡在悒懔益深改躍伏惟 某官學通治亂識照古  
今文章擅一世之英豪論議得大臣之風采夙持瑞

節出按丹書久資清謹之才大布平反之惠威行一  
道羣胥罔見於舞文智燭萬情列郡靡聞於寃獄仰  
動邃疑之聽式頒優渥之恩峻乃清質蔚為妙選願  
封疆之不改端制節以重新眷倚益隆頒言彌著明  
典刑以弼教戢姦方賴於臯陶作舟楫以濟川弭難  
終煩於傳說某坐拘符竹阻望旌牙退循孤拙之私  
尚久依棲之幸其如欣抃罔罄所陳

賀蔣提刑啟

胡邦衡



近膺詔旨移領憲綱驛置所傳部封增慶伏惟某  
官仕塗軒鑑儒術宗工振藻賢科躋榮要職承流宣  
化歡謠已著於二天攬轡登車奏課獨高於諸道唯  
是重湖之外適為舊治之方風采未賒謳吟尚蔚阜  
財解愠茲有望於絃歌入境觀風行遂披於雲霧某  
云云

賀吳提刑啟

景廷玉

伏審光奉詔條寵司邦憲見公朝選擢之重榮故鄉

富貴之歸士夫有識以相歡遐邇不謀而同慶恭惟  
提刑中大瑞時金玉表世羽儀英名炳乎景星碩  
量吞乎雲夢中外脩更於委任材猷顯著於設施早  
拔周行上膺異眷碧幢紅旆嘗專方面之權金節繡  
衣復被祥刑之寄拜恩綸之優渥增畫錦之光華氣  
俗未春以先和民吏不威而自竦願攬轡登車之志  
已見澄清副垂裳側席之思別觀登用某叨承邑政  
屬隸使封恭聞承命之已孚竊喜孤根之有託同燕



雀而賀大厦喜形心畫之飛披雲霧而覩青天行望  
車塵之拜但深欣忭固既敷陳

賀陳提刑啟

熊子復

伏審對揚天陛親奉玉音臨按日畿就更繡指異諸  
道皇華之寵為一時僊禁之階郵置初傳播紳交頌  
恭惟提刑敷文司諫鍾才驚代蘊識際空學貫羣  
經尤邃春秋之旨文追衆作更工騷雅之章立朝憂  
國而最號敢言奉使愛民而雅為知務茲逐鋒車之

召遂承宣室之咨肆盡告於遠猷豈止陳於細務淵  
衷默合將獻納於從塗華渚肇頒付平反於行甸諒  
非掩久旋已趣歸漢府持綱定陞華於三獨舜廊建  
輔仍進翊於萬幾某受知最深違教未久逖聞新命  
固知道之將行私激危衷乃至喜而不寐

賀文提刑啟

王元嘉

光膺寵命移按祥刑入見而見吏民歡欣舊治下車  
而宣德意風動列城是為宦路之榮想見輿情之悅



恭惟 某官冲虛而寡欲沉毅而有謀豈弟慈祥蓋  
當今之長者聰明博洽寔天下之文人蚤奮猷為親  
蒙識擢卿寺翱翔之久郎歷曹踐歷之高博施經濟  
之才暫領平反之寄江山從而增重固固為之屢空  
六轡光華將徧四川之廣一生名節即登兩地之嚴  
某久遠門闈謬臨民社壺漿遠近難陪故國之兒童  
鼓舞嬉遊行遂深山之父老

賀梁提刑啟

史實之

伏審肅奉寶書榮將繡指巨室一國所慕克承先世  
之猷皇華六轡載馳式副遠民之望澄清伊始潤澤  
惟新恭惟 提刑太丞醞藉純深規摹宏遠故國非  
謂喬木本輔弼之名家學者仰如泰山真典刑之前  
輩嘗考曲臺之制亦頒輔郡之條貫一節於險夷更  
兩途於滯滯帝念全吳之沃時稱庶獄之繁起自家  
庭授之使節蓋伯夷降典乃能析於民刑而仲甫令  
儀是可將於王命既彌文之綿絕信餘事以平反佇



拜名環亟陞從橐某猥分支郡實隸行臺即拜望於  
輝光庶躬受於約束

賀樊提刑啟

王仲信

伏審顯膺中旨榮領外臺凡仰庇休悉增慶抃恭惟  
提刑郎中識該且敏才裕而竒擢秀禮聞多士簪  
衰然之首揔曹華省百僚推籍甚之華文素播於南  
閩學尤通於西洛二千石而出守方茂布於寬條尺  
一詔以傳郵俄改提於常憲雖千里不專於春色然

列城舉被於恩波行觀吏懾而民懷抑致刑稀而訟  
息恐未溫於坐席即入踐於要津某久佐雷封尤資  
雲蔭使輻過境瑞曾覩於鳳凰竿牘馳情賀實深於  
燕雀其於依仰未易叙陳

賀任提刑啟

陳子飛

伏以肅被宸綸榮分風憲仰使車而交慶願屬部以  
增輝恭惟 提刑直閣寺丞學博而器宏識精而慮  
敏論議粹六經之奧文章追三代之醇立事赴功早



見嘉謨之遠大登車攬轡終間雅志之澄清况朝廷  
天府之官持郡國繡衣之節方隆眷簡亟被褒遷刑  
期于無刑定著平反之譽訟必使無訟允資寬卹之  
方將勤四牡之歸佇拜十行之詔趣班清禁協贊中  
興某將脩邑丞即依使節恭祈約束竚聽按臨誠尚  
阻於披雲心實欣於賀厦冀加保練式副倚毗

賀張提刑啟

侯彥周

樞庭承制分使指之權憲部擇賢慰朝紳之望凜然

公議慰此輿情恭惟

某官德蘊圭璋慮潛著蔡讎

校蓬山之上標韻冠於諸儒按行浹水之濱威稜愴  
於屬部旋被賜環之寵宜膺持橐之榮緬邈江湖心  
存魏闕激昂籌策名動漢朝果膺輔弼之知薦領將  
明之寄賈誼陸贄之學久鬱佐時范滂周舉之勞豈  
容久外願益頤於業履方隆就於功名某衰病陳人  
羈孤陋迹去家百里聊同元亮之倦遊有宅一區行  
作子雲之歸計



賀章提刑啟

王粹甫

就錫褒函易華憲府知威獄健訟之不起有至仁甚  
惠之可憑益契上心大字羣聽恭惟某官師表後  
學法象前修淵默不耀而其際極於高明平易可親  
而其力莫之能屈藹能聲於蘭省植佳政於藩方自  
昔遠使以登進廊廟之資於今近臣必自踐揚中外  
以選欲拊善俗必先祥刑思加惠遠服之人迺重勞  
大雅之士某蚤自下國入觀上庠鼓瓌篋以相歡分  
短檠而共讀唯當艱勤以有助故累歲月而難忘兄  
弟凋零久愴寒庭之三鳳交遊騰躅獨為學舍之一  
猪豈期委弃灌莽之年復有奉望交戟之日睇窮途  
而有感政瑞節以知歸

賀吳提舉啟

鄭毅夫

宸綽渙恩軺軒出使膺九重之寵渥播百粵之光華  
邸報初傳輿情協慶恭惟某官風猷卓邁器業恢  
宏夙懷康濟之資薦歷清華之選顧茲嶺表界彼蠻



取通舟舶於南蕃實朝廷之外府舳舻四集琛寶旁  
流允賴強明往司經畫奉公謹罰不惟懲宿弊之侵  
牟富國生財將以佐中興之調度行書課最別副褒  
優某幸屬下風將依巨范有涯覲德無任傾心

賀李提舉啟

姜彌明

伏審臨遣漢庭總司閩庾告猷前席已聞帝語之褒  
將命外臺預見民心之悅有識交頌不謀同辭竊以  
熙寧天子之創規實參異代常平使者之提領特峻

它司累朝皆踵於宏模嗣聖必疇於雅望恭惟提  
舉朝議學精探賾才敏撥繁明習憲章矧濟家傳之  
美緣飾儒雅宜推郡最之良比賜覲於彤庭亟寵分  
於翠節與封七聚暫顛舉刺之權華省六聯佇進論  
思之列某投閑甚久起廢猶新沫水假塗嘗獲趨於  
賓廡建山懷紱乃幸適於使臺寒色浸凝台旌徐邁  
願精願於冲粹用少副於瞻依

賀謝提舉啟

孫仲益



入司帝籍蚤觀御月之升出按藩條又快使星之覩  
竦百城之風采馭六轡之光華恭惟 某官文追古  
作者之風名出見大夫之右肅持使節誕布王靈攬  
澄清之轡而豺狼之路益空校紅腐之粟而鼠雀之  
輩幾盡平頒賦政直指宣威已訖外庸即膺大任某  
逖聞新命倍激懽悰方修贄見之恭亟拜函書之辱  
門鵲在望固無千里命駕之遙河葦可航庶有一日  
分光之幸第深欣抃莫罄言宣

賀鄭提舉啟

同年

林豈塵

氈榜聯名長記帝鄉之日月駟軺望拜甘隨宦路之  
埃塵儻富貴之无忘亦黃緣之有自恭惟 提舉郎  
中古人蘊藉當代老成文章自得於菁華度量莫窺  
其涯涘屢試蕃宣之命游揚華要之途方瞻郎宿之  
高輝復喜使星之東指辭漢庭而出帳涉胥水以張  
旌斡山海以足國財咄嗟可辦省風俗而遵王志寬  
厚有餘豈坐席之久温且賜環之趣名某青衫末吏



黃甲故人姓名長借其齒牙道義深銘於肺腑雖尺  
書久廢未嘗忘一日之間而樽酒相逢豈意在十年  
之後矧輜車之初下在飛驛以攸聞適杜門政養於  
沉痾然撫枕不覺而大喜手疾未閑於竿牘體慚徒  
望於羽旌尚蘄厖德之有容不以私憂而獲譴猶懼  
問遲留之狀故歷陳遣卷之情且桑梓必恭願事大  
夫之賢者雖江山之遠將求長者而見之

賀陳提舉啟

綦叔厚

伏審皇華耀寵紫渥頒新載旌過桑梓之鄉擁節指  
魚龍之國光聲甫暨和氣潛回恭惟 提舉中大吾  
儒老成斯道盟主文章自得真訣議論綽有古風功  
名不負於自期富貴可知其未艾惟宸扆政需於輔  
弼而使臺暫屈於詢謀我車之載馳載驅遠被光華  
之遣甘棠之勿翦勿伐將聞蔽芾之歌恐輜軒未下  
之間有壘詔式邁之台某幼學故業長好遠遊寄生  
涯於環林圃海之中覽氣象於名山大川之際登龍



門之坂而奔趨後浪濤蟾窟之桂而收拾殘枝初官  
恐誤於牽絲遠仕特緣於為米其為際會豈有黃緣  
倘夫子之至是邦豈衆人之過於我且陪縣令先為  
負弩矢之驅願事上官當下裹章服之拜

賀邵提舉啟

謝子山

伏審露章勇退錫節鼎來漢省高華暫輟銓郎之任  
閩封粵衍式隆庾使之權休聲所同和氣自至竊以  
攬范滂之轡方惠於遠民載潘岳之輿更將於壽母

豈料按澄於封部庶幾表率於縉紳恭惟 提舉郎  
中古學根經高文貫道佐成均之務行夙著於士林  
贊司列之曹望寢隆於朝路簡求特厚恬養彌堅溶  
西清而彷徨盍聯從橐循南陔之卷戀懇奉親闈果  
膺臨遣之榮佇見召還之速某投閑甚久起廢猶新  
共理非良方奉皇華之政平反是喜尚資錫類之仁  
嚮仰惟勤揆裁曷既

賀謝提舉啟

孫逢辰



疏恩天闕榮總星臺聖天子博考以精求士大夫喜  
聞而樂譽先聲遠到和氣隨生恭惟某官學得乎  
中庸氣養其剛大方出赴一旦汲汲功名之會當遂  
從諸公衮衮臺省之登惟當守於今責實以考能故  
建官未嘗重內而輕外雖離茗之司益優其選然簪  
笏之論未愜所期六輿既均君有禮樂之送二節以  
走公肯為嶺海而留姑屈是行即聽新命某遠將漕  
事幸同部封聲跡相聞恨无一日之雅朝夕願見寔  
勞千里之情茲有望一軺之來敢先為尺牘之問如  
其喜躍異乎尋常

賀王提舉啟

劉寶賢

伏審祗膺綸綍進長使權惟朔方之粵區實天下之  
重地總漕之寄選任唯艱願茲寵榮屬在名德恭惟  
某官望高而善下才大而容學洞淵源辭該體  
要入聯卿列彌簡於淵衷出領使華殆遍於劇部名  
既美而德自稱効愈白而愈益歸為時老成合在論



思之列寬上憂願更資富貴之謀某門戶已衰蹤跡  
不肖狂愚抵罪坎壈積年雖深愧於初心願自安於  
微分獲以驚蹇託於按臨尚少借於餘輝冀復收於  
晚節其為欣幸更倍等夷

賀胡提舉啟

伏審賜覲紫宸分華翠節眷刑剖倉儲之盛庸藉傑  
才簡清時郡最之優擢將隆指訓辭深厚原隰光華  
竊以堯湯用心脩敢忘於先具漢唐故事制皆重於

常平振民當守前規遣使必疇於高望恭惟 提舉  
中大英姿邁往卓識際空練達典章蚤濟家傳之美  
布宣條教久推吏績之良昨召對於漢廷亟總司於  
閩庾節用龍虎暫專刺舉之權履上星辰佇正論思  
之職某屬分侯屏密爾使臺不腆緘滕聊奉雙魚之  
素有嚴英蕩即迎六轡之華

賀錢提舉啟

陳阜卿

顯奉綸言進持玉節賜璽書以旌治效固優為二千



石之良歌皇華而遣使臣况復善三百篇之對士民  
交慶車馬生光恭惟 提舉監臣遠業濟時真材經  
世秀發儒林之藻富藏學海之珍文擅雄深無愧元  
和之閣老詩兼典雅聿追大曆之才人况恢武肅之  
慶源光演文僖之華胄茂揚世美益顯家傳自鷹匠  
監之除薦歷州符之選減賓厨之釀忠清無愧於古  
人代民籍之祖愷悌特周於赤子奏課已推於第一  
得名宜擅于無雙茲就易於乘軺盖將陞於荷橐佇

頒奉詔往遙雞翹某問道云初叨恩最厚聽郵音而  
激烈倍倫等以懽愉念雖解組於是邦猶見埋輪於  
當路司筦權而察發歛兼既總於大權侍旒冕以罄  
論思行即歸於中禁

賀王提舉啟

葛常之

伏審顯膺宸命擢領使權見材猷歷試之詳被君相  
選除之重消辰視篆闔境傾心恭惟 提舉判院氣  
清而和性明且敏抱璞玉渾金之器挺碧梧翠竹之



材智識遠照於物先風度迥高於塵表縉紳歸重早  
有俊聲中外踐揚雅多成績計府久勞於婉畫固成  
其轉漕之功泥封亟拜於新除就畀以平糴之政豈  
特一封而乘傳果馳駟馬以登車衣冠屬意以知歸  
民吏望風而相慶發藏天地佇上計於甘泉筵羽鳴  
鴻即聯班於紫禁某叨承邑政屬隸使封自憐疏晚  
之蹤復有依棲之幸同燕雀而賀大厦敢後飛書觀  
鸞鳳而冲丹霄固將拭目

賀張提舉啟

張仲友

伏審光奉宸綸寵膺使命用正久虛之席式昭公選  
之朝士夫有識以知歸遐邇不謀而同慶恭惟提  
舉中大望隆德厚識遠器宏秉槎流積慶之源愜鵠  
大封侯之裔更三朝而出處備見典刑肩一節以始  
終茂成事業宜上心之簡眷被中詔之褒除屬茲大  
有之年寄以常平之政光華被路民吏望風不勞命  
駕之需已見登車之志繡衣均糴佇收歛散之功丹



宸思賢即聽登庸之名某叨膺邑政獲隸使封側聆  
成命之已字竊幸孤蹤之有託同燕雀而賀大厦敢  
後飛書披雲霧以覩青天固將拭目之來和歲燕大

賀王提舉啟

邵公實

伏審榮膺帝命出領使權凡在庇休舉增拊蹈恭惟  
某官珪璋令器廊廟真儒入侍冕旒有富國強兵  
之策遠揚旌節總摘山煮海之饒四牡光華十州震  
動號令一新於江右貨財行贍於邦中佇聯一札之

飛即正三台之照某守地千里在天一涯切比鷓鴣  
已幸投林之託敢同燕雀少輸賀厦之誠頌咏徒深  
披宣罔既

賀張提舉啟

鄭得一

伏審遙奉璽書就移使節飛檣萬里已觀貨寶之饒  
司庾八城益重均輸之寄按臨所逮拊蹈惟均竊以  
常平所以阜民財免役所以紓民力漢司農建議於  
孝宣之世我國家廣倉於景德之中足國裕民者知



幾年分曹遣使者凡數路實仁政之所本宜累聖之  
究心必得真才以膺使事恭惟提舉朝議半千名  
世三兩儲精早膺晁重之科出際唐虞之運四十圍  
溜雨是成大用之資九萬里搏風果展橫飛之翼然  
進退每由於直道故行藏无愧於古人中雖歸卧江  
湖之間益見養成廊廟之器迨權綱之揔攬果錄用  
於老成思廣邦儲屈臨船事未及暮年之久已聞嘉  
績之凝乃奉宸俞易持倉節方成命之初下知柄用

之有階萬口歡呼日俟輶車之至千倉紅腐佇觀民  
瘼之蘇但虞坐席之未溫即慶追鋒之促召某棲遲  
末路倥偬下僚自聆一札之頒喜有二天之託慶雲  
均覆豈遺荆棘之微大厦將成尤深燕雀之賀

賀周提舉啟

王粹甫

青帝執規驗三陽之引達繡衣持斧新六轡之光華  
諒對端辰益裒純嘏恭惟某官氣鍾溫厚德尚和  
同苞栩逶遲又遶梅於嶺驛甘棠蔽芾還鞠草於園



靡佇有召除亟登要近某固功分聞有幸為僚對天  
地交泰之時當馳善頌體官師相規之義正賴協恭  
青帝降賀南外知宗啟  
伏審中膺帝簡外典宗藩明德以親聿庇本根之族  
舉善而勸肆疇標的之英得賢有光與衆同慶恭惟  
知宗郎中神鋒凝茂僊韻邃清夙簡淵衷薦敷華  
貫郎闈蘊藉既早預於銓條使節光華亦久顯於漕  
畫宜大君之有命以伯臣而司宗用推九宸親睦之

恩即復兩禁論思之列某猥移偏障竊映餘輝注想  
崇墉願專城之有守寓枕竿牘愧美翰之不工

賀南外知宗啟

王晦叔

伏以拜綽宸庭祇奉齊家之訓下車闕服不忘體國  
之心歸然德望之隆宜此榮名之被恭惟判宗都  
運大中善常最樂猷克踐修雖疏派於銀河逾守謙  
於圭竇長才康濟浩氣雄渾留愷悌於荆門名知草  
木總經常於淮路節凜冰霜事正心誠意之朝膺立



本端源之寄親睦九族暫歌行葦之詩勤施四方佇  
述卜瀍之告某作依鄰比深沐恩私倫教載以不忘  
期施為而少效竭來涉筆復遂望塵雍容話舊之情  
曲折振窮之意此心攀附有同在寢之翼鱗所執拘  
縻政類偷倉之雀鼠虔修悃悞仰瀆嚴尊

賀西外知宗啟

熊子復

中疏帝綽外畀宗城昔分西洛之都今寓南閩之會  
望肆疇於麟趾勢庸壯於犬牙恭惟知宗節使高

韻邁倫清標映俗搞文韶潤本前哲之規摹秉行粹  
溫實近親之標的蔚有令望播于清朝屏翰王家表  
儀公族師干留務久已著於殊庸將鉞真除即遂膺  
於顯冊某猥當煩使寔庇餘休願近別於風姿已勤  
瞻系遽先承於雲翰第切感銘

賀西外趙知宗啟

林豈塵

大君有命中放寵渥之新碩輔司宗無越者英之舊  
方屬籍視儀之始亦侯頌借潤之初恭惟某官胄出



神明學通今古論議冠諸宗室夙擅白眉老成尚有  
典刑今推黃耆燕間雖暇涵養益休鴻寶之方自竒  
謫仙之詩無敵矧年高而德劭且屬近而行尊典周  
室之宗盟宜薦司于麟趾為劉氏之祭酒佇入對于  
龍光某正爾依仁欣焉聞命敢謂別裾之未久遽蒙  
染翰以相先一日有似于三秋悵阻置杯之教兩地  
匪遙于千里幸分鄰燭之輝

賀西外趙知宗啟

李漢老

疏韶東平展親西外王曰叔父立愛始于家邦汝作  
秩宗受祉施于孫子棣華韡韡瓜瓞綿綿恭惟某  
官大雅不羣為善最樂箴規磨琢蹈衛武之流風忠  
義輪囷槃劉向之封事庸專糾合之任助成睦族之  
仁周之宗盟誰若滕侯之長唐之宰相豈遺德裕之  
賢某側聽渙揚未遑啟賀召伯公治諒信如麟趾之  
詩長卿倦游愧莫續兔園之賦

賀西外宗趙判啟

危昭德



屬尊麟趾率歸糾合之中郡昇龍溪幸與照臨之側  
敬修辭命以通姓名恭惟某官毓慶璇源分輝寶  
葉氣和而守正學博而用宏文采宣明宛在劉向李  
邕之右議論濬發深得晦庵濂溪之傳名殷殷以雷  
霆仕駸駸乎霄漢入司天憲民自得于不寃出綰邦  
符政復多于遺愛重以東平之善遂司西外之盟盤  
石益強維城增重佇膺紫誥趨侍凝旒豈無他人孰  
若金枝之秀不有君子誰參玉鉉之崇某未習民庸  
猥承郡寄正自面牆于不學得無血指于旁觀尚推  
合治之心時賜免戾之教河潤千里豈無及晉之波  
廣廈萬間是亦屏周之意

聖宋名賢五百家播芳大全文粹卷六十一終



王宋台賀五百家類纂大全文粹卷六十一

萬世萬年長亦飛風之意

合... 萬... 亦... 飛... 風... 之... 意...

五... 自... 語... 不... 學... 無... 益... 謀... 子... 參... 贈... 尚... 罪...

聖宋名賢五百家播芳大全文粹卷六十二

賀啟

賀蔣守啟

王介甫

伏審拜命徽章陞榮北省伏惟慶慰竊以上大夫為  
內諫漢擢忠良府學士統要藩唐稱優憲迨宋兼任  
非賢不居恭惟 某官天與粹溫岳儲靈哲夙抱經  
濟游天子之彤庭首見推明為士林之高選斷直躬  
以自處仗大節而不回名動一朝官歷兩省望之補



外理固非宜陽城拜官賀者甚衆上方圖在夕有詔  
書某展慶未遑抃心竊倍願言沉沉將幸垣陶依載  
所深翰墨難致

賀張守啟

熊子復

伏以五馬經塗比欵燦花之論雙魚遣翰載披麗藻  
之詞審肇布於教條宜茂膺於福履伏惟介知府寶  
文受才傑異造理精微碩德瑞時若星鳳之始見瑰  
文邁俗豈龍驥之能追蚤進列於朝紳亟出持於使

節有功見知則悅寵既辨於召環非道不敢以陳對  
果前於釐席寓西清之近職殿南紀之舊封庭戶初  
修已達湖山之千里方國是賜佇膺書札之十行論  
思歸潤於本朝功烈尤光於先世某未諧祠廩猶玷  
藩麾尺緘聊附於回翔寸抱第增於搖曳

賀辛守啟

宋文淵

伏審寵膺中詔益峻近班再領舊麾追還移命喧道  
塗而載頌溢朝野以騰歡伏惟慶慰恭以某官學



探賢聖之微識造天人之蘊仁而能斷裁萬事於笑  
譚知以不苛鎮百城而偃息揚名當代藹譽本朝進  
宗文閣之華益見上心之注古雄秦嶺外距邊陲付  
之股肱倚為屏翰黜羗千帳一籍其威聲虎士萬羣  
咸聽於號令能寬西顧允屬巨人行間召節之趨入  
奉凝旒之對如魏相以薦居洛邑黃霸之再守潁川  
咸以功庸登為輔弼某退惟孱質辱在下僚但靴鞋  
以趨風徒簡片而奏記忻愉併集敷叙奚殫伏乞上

為邦家自衛興息

賀李守啟

史鴻漸

省戶握蘭共仰四仙山之名勝使符剖竹來臨三近  
古之邦鄉方熊軾之載憑已蟄須之增重斯文甚幸  
吾道有光恭惟某官柱下該通龍門深濬探中庸  
大學之秘時露端倪窮先天太極之微發為論議世  
仰西南之二李名參嘉祐之三蘇百年今見於幾人  
辦香多沾於後學毫端飛動豈徒渴驥而怒猊文燭



推高但覺回牛而守虎蓋嘗掌邦典以佐太史抑又  
作進學以誨諸生自宜草尺書於槐龍舜翠之間何  
乃把一麾於竹馬郊迎之際諒以經術而食吏事必  
漢名儒故知岳牧而用詞人由唐舊典第虞未煖之  
席已賜追鋒之車某起魯諸生游鄭鄉校晝誦歐陽  
公而夢見幼識范文正為天人屬因此馭而來遂喜  
摠衣之願從餘杭而講論竊嘗慕少章之賢歌京兆  
之平反行用繼蘇州之什

賀趙守啟

趙公迥

恩隆鳳檢據千騎之上頭信合虎符總六龍之潛邸  
載頒新政喜識故侯恭惟判府吏部龍圖玉樹臨  
風冰壺射日青綾錦帳蚤陞郎省之華紅旆珠幢游  
領帥垣之重惟不容然後見君子非難進元以為大  
臣斷由中宸之知付以上流之寄惠字千里聿歌鴻  
雁之詩威著三軍坐肅貔貅之令式眷建安之舊鎮  
再煩郭伋之重来與粉蔭以相連蔽棠陰而未改詔



令趨駕上深軫於宵衣榮遂過家君何殊於畫錦靡  
容黥突亟拜紫泥某一別英標五周歲籥倚鄭國猶  
外府孰如同姓之親視忠州為故人願借餘光之及  
永言欣忭莫既敷宣

賀趙守啟

高文規

錦帳名郎開潛藩而載鎮青衫下吏服獄椽以來趨  
一新前日之教條行快平生之瞻覩敬陳尺素以展  
寸誠竊以州縣之勞莫先狴犴之重捶楚何求弗獲

古人以折獄為艱刑戮不可復生君子以盡心為訓  
是以不極兩辭之聽必歸五過之疵故列國之際取  
淑問於前修三代以還推陰功於後裔漢東都以決  
曹而歸重唐名士多法掾之肩為惟國朝專務於寬  
仁願刑獄尤加於欽卹以謂刑以裁姦而法既多其  
出入罪麗于法而情或失于重輕遂創掾僚特專推  
鞠不必督府劇者乃置二人至于重囚疑則仍容覆  
讞然或胥史蔽欺則未懲宿弊權勢枉撓則轉失初



情故興國勅書列郡務更其罷軟至天申詔旨銓曹  
並選其疆明要在不吐剛而茹柔所以為明罰而飭  
法矧此建溪之巨屏寔為今日之价藩地大物夥而  
民訟固煩目見耳聞而人情喜鬪又乃走集之境尤  
叢椎剝之姦念摠摠而生林林而羣雖云多辟儻穆  
穆在上明明在下自曰不寃庶辟列曹少寬吏責茲  
蓋伏遇 判府龍圖吏部生民先覺命世全才蔽黼  
文章秀分河漢之派珩璜圭璧蔚為宗廟之英遂簡

上心寔登華貫忠言嘉謨動膝前之眷宗論閱議興  
見晚之嗟光燁筭班芳生蘭省專閫邊甸草木尚識  
其威名分鎮上游江漢早思於遺愛既蜚聲而騰實  
乃更治以考功蓋朝廷已深知弱翁奈潁川當復臨  
黃霸憇棠勿剪方思南國之教明騎竹紛迎爭喜舊  
侯之約信撫接昔時之父老布宣春日之詔書御眾  
惟寬齊民以禮將見人重抵罪比屋化為善良物各  
厚生園扉可臻虛曠某木彊不慧雖鈍無竒平昔之



訓非在九章龜勉之勞寔存三釜歛歛軍之板散夷  
望於西山為會府之僚輒濫吹於南郭蓋念黃卷已  
廢丹筆行親不學之留曷嘗斷斯獄矣投誠于上必  
然使無訟乎幸會之深固陳固既

賀黃守啟

宋仲山

寓直西清分符東蜀以曲從於懇請故特示於褒優  
下車之初決境胥慶伏惟某官得先天康節之學  
俟後世子雲之知其無時而不宜蓋有本者如是被

召始行於百里為郎僅及於六旬即當超遷乃復外  
補介于石故能不終日良其背所以不失時適斯道  
之固然抑遠民之幸甚某願惟踈拙薦獲依承特蒙  
惠問之勤益見同寅之義

賀呂守啟

熊子復

伏以九里餘波方藉寶隣之芘五雲竒彩遽蒙華牘  
之貽仰以見於謙冲俯自憐於遲拙恢台對序畫諾  
顯城諒六氣之順調有百靈之交護恭惟知府直



閣英姿挺出逸韻渾成師友淵源早紹家傳之粹儒  
雅緣飾久推吏最之優自榮擁於守麾嘗特蒙於褒  
璽積書而連雲漢已通中秘之班聽履而上星辰佇  
造內廷之列某昨祈閑散誤易蕃宣隣州之號神君  
稔聞異績紙書之賢從事曲奉好音尺緘聊附於回  
翔寸抱但增於搖曳

賀趙守啟

光奉殊榮寵移舊鎮江山偉觀還曩日之雲煙桃李

餘陰話當時之雨露不特郡人之歌舞已聞江國之  
驩傳恭惟 恩府判府龍圖吏部先生學濬淵源德  
新黼藻銀潢在漢英華發天系之芳玉樹臨風儀彩  
動宸旒之鑒蚤逢異識亟展壯猷才綽冠於朝聯奮  
寢高於郎選出持使節戢姦之志於登車攬轡而見  
之游領郡符戀德之氓有卧轍攀轅而留者况此循  
良之効本諸孝友之誠蓋日吹伯氏之壘而時戲老  
萊之彩惟夙純於內行故特簡於上心江夏政成方



以臧而奏課富沙地近已得請於便親旌麾列千里  
之迎鼓吹聽十年之舊小兒之乘竹馬見并州德化  
之深夫人之御板輿倍潘岳家園之樂此人子至難  
之榮養為士夫無極之美談想休聲蓋著於龍藩則  
平步徑躋於鼇禁周姓封侯者五十既賴蕃宣唐宗  
室入相者九人當升宥密側聆圭覲別有柄除某素  
辱知憐緬懷恩紀鄭司農之推轂昔已賴於陶成周  
刺史之題輿今復希於獎借何其際遇再此依歸耳

陳  
盼千騎之南臨心若百川之東折其為贊拊昌既敷

賀王守啟

胡仁仲

光奉宸綸寵紆郡紱當教條之初下諒瑤頌以驩傳  
豈弟所臨中和自至伏惟某官性資忠厚器宇闔  
深經術通明雅擅河汾之譽文章綺麗遠追滕閣之  
風早躋危科寢階撫仕談兵青幕坐收樽俎之功佐  
刺緹屏亟上農桑之課鶚章刻奏熊軾疏榮分千里



之願憂豈勞游办被十行之渙渥行趣賜環入覲清  
光平濟華貫某濫兹承乏獲遂依仁猥蒙賤翰之貽  
深認情文之渥其於銘篆固罄敷宣

賀唐守啟

陳君舉

九天雨露渙黃麻紫誥之龐恩千里雲烟藹綠水紅  
蓮之佳氣室家胥慶福祿日來寸心方樂於鶯遷尺  
牘宜伸於燕賀恭惟 某官陶唐析派岷蜀儲英學  
海波濤浩錦江之萬頃詞林根柢屹劍閣之千峰望

鵬路以橫飛指鳳池而進陟主知固結宸惠至濃忽  
辭青瑣丹墀聊擁朱幡皂蓋判花博上振相如楊子  
之芳塵夢草堂前躡逸少謝公之邁軌精神秋月談  
笑春風蜚紫馬之英聲掃蒼鷹之苛政家給而衣羸  
五袴年豐而麥秀兩岐未為高室之霖已沛潁川之  
雨禮晞東閣屢開北海之樽性戒西門止用南陽之  
杖下車屬耳載路驩謠優為列城二千石之良先達  
當宁十二旒之聽宜蒙天渥尤慰民瞻一札細書拜



白水真人之賜千金增秩繼黃龍循吏之名與星斗  
以爭輝覺湖山之動色祇恐縉紳之交薦不容州縣  
之徒勞朝廷已深知弱翁信將大用天子久不見賈  
誼想亦深思某寄身鑪錘之間託迹悒悒之下喜而  
不寐樂且有儀已幸營丘成伍月報周之政更期河  
內申一年借寇之言

賀鄭守啟

張文饒

伏審薦膺明制易守藩符暫煩經濟之才俯就承宣

之地厭江湖之優逸臨關塞之浩繁成命流行輿情  
慰悅恭惟某官神機淵靜器宇沉深學洞本源不  
數古人之糟粕文參造化常先天下之英髦振藻書  
林躋榮禁橐道既行而志愈勵位雖貴而色不驕多  
士所以傾倒於下風高明以之暴白於當世進退以  
道不易操於夷險卷舒惟時故冥心於欣慨果膺優  
渥還陟邃巖鑒觀山河聊慰袴襦之望謀謨廊廟即  
觀衮繡之歸某蚤以青衿列於絳帳今塵州序仍庇



台光頌王褒樂職之詩猶賢於童子賦魯侯采芹之  
頌願比於諸儒瞻抃載深敷罔既

賀李守啟

鄭伯仁

仰膺鳳檢下綸綍於九重來鎮虎城作袴襦於千里  
先聲所暨公議攸歸恭惟判府都鈐都運問世才  
猷際天器識惟經綸之素蘊宜柄用之踐更時散歛  
以厚生投刀砉若謹轉輸而調度攬轡慨然使節屢  
持守符薦剖豈弟素收於民望公忠自結於主知章

貢澄清暫作龜魚之主風雲際會佇參鵷鷺之行某  
自顧鰥生尚資鴻庇塗窮安往墻仞是歸雖無三語  
之能賴有二天之託依芙蓉渠而泛綠水晚進何堪披  
雲霧而覩青天此生何幸望塵伊迩引領尤深

賀任守啟

史伯鎮

祇奉詔音鎮臨寰服惟茲太末之里本實東陽之墟  
徒馭從容宿舂糧而已至吏民企羨晝衣錦以何殊  
恭惟某官學冠時髦望隆禁路言底可績皆膺合



於廟謨知無不為幾轍環於方域既登共理之最力  
丐就閑之安豈容與世以兩忘果為斯民而再起望  
九重之闕咫尺不違括四達之衢舟車相屬實資材  
敏以濟事叢諒游刃之何勞抑賜環之有漸某一違  
誨益再閱歲餘心搖若旌幸奔走之少定地錯如繡  
復庇庥之可依念披霧之未諧已邈風而懷想

賀傅守啟

熊叔雅

伏審鳳宸疏榮帝遣一麾之出龍津增煥神催雙劍

之歸休聲所同和氣自至竊以前輩作牧必先教化  
之原近歲專城惟急貨財之務閭里欲消於愁恨廟  
堂肆擇於循良蓋善政流風其故家猶有存者俾回  
心向道非俗吏所能為之恭惟知府大夫藉蘊醇  
深規摹宏博蔚有令望播于清朝佩刀久屈於回翔  
簪筆合躋於華邃謂守紱乃人生之貴而親闈當日  
養之嚴乃付便藩以煩共理雖地有溪山之勝而人  
無衣食之餘連年每值於軍需下邑遂踰於法禁因



緣藉口培克恣情利源既竊於胥徒賦額仍科於編  
戶吏姦如此郡計若何儻先桀黠之除即是撫摩之  
要某早蒙翼顧久隔光儀念孤蹤逢刺史之二天豈  
非幸會然去期類京兆之五日莫遂稍留意嚮徒勤  
詞訥焉既

賀李守啟

肅膺芝檢榮鎮桐城分九重宵旰之憂當一面蕃宣  
之寄悵所暨鼓舞九閭恭惟某官直道致身孤

忠許國早登華第歷踐清除擣為炳蔚之文豹變則  
虎舒作陽和之氣鷹化為鳩全活幾千萬人利害分  
尋常計氣槩激厲神明護持既身節以俱全宜褒嘉  
之屢稱典農東浙方調歛散之宜司憲全閩已著平  
反之舉累宣勞於劇部暫均佚於真祠願泉南襟帶  
之區實江左輔車之地祇求共理永屬惟良起謝安  
於東山慰斯民望命申伯於南土付以邦條恩德在  
人歡謠載路行播中和之頌大臻清淨之風上方有



為協濟中興之業公寧久外宁膺廣求內之求某曾  
忝屬僚屢蒙溫明適茲貳局但望清塵楊氏之宅一  
區日依雲陰夫子之墻數仞心劇旌搖喜與愧并意  
非言盡

賀韓守啟

張安國

繡幢畫戟占東藩鼓角之雄寶學玉文新廣內圖書  
之直入謁尚遙於賓榻修辭敢候於齋鈴恭惟某  
官粹量淵渟英姿山立學無不可凜乎當代之偉人

政得其宜卓爾中興之循吏乙陸識尚書之履四方  
勞申伯之藩留籥九扉已壯長江之險戈船下瀨還  
清瀚海之波願疇外屏之勲遂替西樞之畫某逃違  
墻仞多閱歲時大司寇之義刑嘗拜家庭之賜小諸  
侯之述職敢忘方伯之尊嗟問訊以成疎且懷恩而  
未報所祈宏度終諒微誠律管崢嶸和門整暇異益  
綏於純嘏亟趨覲於嚴宸

賀張守啟

耿元鼎



恭審上憂澤國嘉善政之去思公輟臺城撫舊邦而  
來蒞銅魚好在慶浹一時竹馬交迎春回千里諒惟  
歡慰惟時制部有古吳門冠黃閣三輔之雄森畫戟  
千兵之衛偶屬稽天之大浸徧為卷地之橫流衆雖  
免於葬魚饑已聞於堀鼠軫當宁焦勞之念欲無翳  
桑之餓人思曩時惠愛之風必假甘棠之名伯壺簞  
溢道肅鼓闐城恭惟 某官負廊廟之才鍾海嶽之  
氣臚傳第一運協當千翱翔乎道家之山揚歷乎列

宿之舍始直筆立螭蚘之下俄厲車從豹尾之中詞  
妙判花真鳳閣舍人之樣筆精入木掩鵝經內史之  
書何暫厭於京師遂一麾於湖海左司燕寢方勝五  
袴之謠留守麟符忽典千門之籥見夷吾於江左出  
裴度於山南晉室何憂唐宗久悟適奉潘輿之樂未  
皇墨突之黔欲合浦還珠請返孟嘗之治若遼東化  
鶴恍驚丁令之歸諒繼袞袞趨齊柄用元津涯若涉  
大水流離罔動於浮言雖饑饉必有豐年裕足不難



於反掌某考書下下論止平平蚤望履於洪都嘗騰  
緘於茂苑茲緣屬邑如遂登門欣盛事之播聞欲中  
宵之起舞旗旌在望願先覩以為榮袞繡趣還慮莫  
諧於承比其如欣抃因罄數陳

賀鄭守啟

何子建

伏審齎奏封章上還機政忱辭莫奪睿眷弗違冠祕  
殿之邃嚴宅名都之優佚高風獨振輿論有光恭惟  
某官博大疎明清忠端亮德備陰陽之和氣學分

造化之全功發其淵源睡為翰墨富雕萬寶力轉千  
鈞喻游夏之不言寫淵雲之未賦達於政事繁芒刃  
之發劓服在廟堂粹陶鈞之播物蠻夷震疊華夏尊  
安倦台鼎之久勞運天池而少息必當還慰蒼生之  
望豈非往從赤松之遊惟世所瞻有神克相某地寒  
寡與分薄數竒猥以窮苦之辭驟獲吹噓之力豈惟  
銘佩亦以激昂恩德未酬門墻寢邈傾餘照以長想  
撫孤根而自憐頌詠逾深情誠並竭



賀張守啟

林豈塵

伏審宸廷賦命侯甸頒符厭承明禁直之聯冠章善  
清官之選朝士莫不相賀國人亦皆曰賢恭惟吏  
部待制行歸楷模智遠龜策蘊玉粹金相之器蜚筆  
精妙墨之聲隆注想於冕旒眷觀瞻於簪紱諫垣密  
勿茂揚蹇諤之風禁索春容益勵公忠之節惟國家  
共理以良吏故岳牧特用於詞人矧赤城本今古之  
福庭在於越為東南之佳郡如公有幾人者是行若

登仙然伏想朱門畫戟之餘風用訪流水落花之舊  
跡且雲龍久契固未忘北闕之心而風月相逢應不  
負南樓之興雖五馬乃人生之貴然雙鹿本公位之  
祥豈鈴齋久對於高春宜銜車蚤聞於趨召某從遊  
積素潦倒自慙方看刺史之近除選得吾賢而大喜  
望戟枝而睇遠想旆影以心搖桃李無言自有成蹊  
之慕燕雀雖賤亦知賀厦之情苟富貴未必相忘則  
故舊亦所不棄其餘欣頌曷罄敷陳



賀龐守啟

鄭伯仁

佇膺鳳檢來鎮虎城民脫灰燼之餘政俟袴襦之美  
先聲甫爾衆志翕然恭惟某官命世真儒鎮時宿  
德議論太平之根本猷為後進之規模延閣陞華直  
奎壁圖書之秘外臺畀寵歷江淮飛輓之勤未替龍  
光載分虎節眷貢章之莞籥寔湖粵之咽喉守牧之  
來老成是擇屬驕卒弄潢池之刃惟烝民皆沸鼎之  
鱗士庶奔波隻身不保閭閻比櫛一炬无遺其餘焦

類之幾何豈踵以望所幸來蘇之在邇奠枕可期薰  
為慈仁拯此凋瘵願已結知於九陛豈容卷澤於一  
方崇芟初臨芝函已下某願維綿菲托庇悒悒廷趨  
歛板之有期心喜搖旌而已極依芙蓉而泛綠水晚  
進何堪披雲霧而覩青天黃緣有自

賀孫守啟

陳德寬

伏以聽尚書之履暫別宸廷懷太守之章復開盛府  
恭惟歡慶某官三朝耆碩多士宗師學貫九流而



探於精微文追兩漢而高於典冊蚤以人望簡于聖  
心直道而行柔豈甘於慕舌見幾而作後何悔於噬  
臍自領候藩益隆天眷教條雖舊遺愛尚新入境抗  
旌擁驩迎之竹馬當宁反席行趨召於鉞車某久此  
周全悵然離索褰裳濡足愧明哲之高風緩帶輕裘  
想藩宣之樂事方深健羨遽辱緘滕感悚之私叙陳  
罔既

賀李守啟

史唐英

顯膺芝檢肅鎮梅邦開府之初輿情惟允恭惟某  
官儒雅飾治慈愛洽民方展於題輿眷已隆於當宁  
正當臨民之選歷試三刀果間化俗之能來蘇五嶺  
暢霜威於羣醜覃河潤於鄰封行達淵衷別加峻擢  
願惟孱陋託託忭懽未通雙鯉之誠先沐五雲之寵  
謙冲俯逮漸感交攻

賀熊守啟

黃景聲

奉選勞之新渥齊次對之舊班屏翰有光朝廷增重



恭惟某官英豪間氣道德名儒學窮六藝之醇文  
起八代之討論潤色崖因珠而不枯險阻艱難草  
以風而知勁頤惟劇郡既託外庸龍已升雲乃眷攀  
鱗之舊魚方縱壑更逢激水之寬諒在遄歸即膺巨  
用澆瓜為惠坐令一境之安采菲不遺更荷五雲之  
及

賀馬守啟

王季高

伏以千里廣輪久徯惟良之任一時賢哲驟膺涉拜

之榮煥宸命以惟新釋民情之所望恭惟某官性  
函方重鑒裁清淳謀謨治世之南車聞望士林之北  
斗經綸有蘊素推江左之才轉變不窮孰論吳中之  
敵負匪倫之踐踪未盡展於猷為方宵旰之憂民寄  
龜璋而作守滿城和氣皆袁扇之披揚闔境歡聲賴  
范襦之衣被即還巨用豈久外更某竊伏輝華喜旋  
里燕必恭之禮未容望履以修誠未暮之歌徒獲與  
民而同頌



賀趙守啟

趙承之

誕敷明制易鎮雄藩中二千石以寵守臣肆大開於  
侯社方七百里而封同姓抑用壯於宗盟盛德所加  
傳聞相慶恭惟某官學通閭奧識鑿幾微子產仁  
心非有期於輿誦荆州清德本无意於人知自簡記  
於宸衷寔發攄於賢蘊惟章貢控臨之會當兵民寇  
究之餘宣乃王靈嘗假中權之節疆之戎索遂夷窮  
徼之風逮改畀於名臣始旋臻於樂土收養以平盜

賊遠符勃海之良規簡易以便吏民近追清獻之故  
事方朝論眷觀於奏課適江城正憐於擇人四國于  
蕃爰取功能之效諸姬為近允惟休戚之同居人雖  
鬱於去思行道已謠於來暮第虞詔紫不待突黔某  
自處泥塗莫窺星漢夙幸聯於子姓晚將列於附庸  
誦葛藟之詩庶遠斧斤之患望蓮花之府實同燕雀  
之歡

賀董守啟

趙承之



簡自淵衷起臨巨屏吏民拭目以改觀父老扶杖而  
拜恩謂明詔圖任舊臣方咸登於衆正而上意不忘  
遠俗乃加惠於一方必有霈然膏澤之施不惟因于  
文法之故恭惟某官天才絕代國瑞應時過庭而  
克世其家立朝而無出其右主盟文教傳舊學於北  
方尚論循良還淳風於西漢密勿代言之地從容次  
對之班道格君心之非辭鼓天下之動賢者在位豈  
徒潤色之功近臣盡規寔罄論思之益逮名高而衆

媚久身退以時潛坐觀夸者之死權切嘆貪人之敗  
類鯨吞鼉作曾砥柱之不移露廓雲披見景星之獨  
出乃眷名藩之寄姑惟舊物之還鳳方下以覽輝驥  
暫馳而歷塊江湖都會雖地望之匪輕廊廟遠圖豈  
聖時之易得灼知庭告不待政成某孤學已竦微生  
且後誦名臣之事業殆若神人想前輩之風流莫傳  
師友願以附庸之列爰依大府之光瞻董相之下惟  
徒仰諸生之幸從范公而慶朔尚陪下吏之榮



賀張守啟

宋文淵

伏審軺傳一封整弭觀風之軒蓋金城千里載觀作  
牧之威儀日間綸誥之揚庭偶奉檄書而訊獄一清  
叢棘三闔堦莫遂令萍梗之蹤不達芝蘭之室退惟  
拙鈍實負凌兢恭惟某官志烈秋霜教行時雨篤  
實輝光新其德仁義禮知根於心爰撫清時勉摠素  
業蘭江共理夙隆二千石之權荔浦循行始歷三十  
州之壤涼涼想聞於風采皇皇綽有于光華豎當雲

陸之掄材復款星沙而將漕承命以往志宣激濁之  
之威直道而行欲抗引謙之疏既聞丹扆爰動清衷  
榮膺一札之溫言寵錫三刀之重寄式臨長廈誕布  
寬條穆穆仁風惠已揚於羽扇遲遲化日愛常滿於  
棠陰僉言豈弟以宜人咸詠中和之樂職竚觀環召  
亟踐金門伏念某雖學為箕未能製錦徒耗太倉之  
粟全年貳政之謀幸託悝懽庶逃瑕垢俯彈駑駕恭  
事大夫之賢仰冀龍門儻異衆人之遇



賀夏守啟

鄭顧道

伏審昔持金節榮膺指使之權今握竹符重領侯藩  
之寄帝心簡在物論允諧凡屬統臨率從鼓舞惟上  
饒之名郡實江左之奧區珠玉駢闐桑麻蕃衍江山  
秀發風俗醇深逮夫比年以來不可同日而語軍儲  
星急穀價日翔比屋剥膚莫應誅求之急羣山剝腹  
絕無粹美之珍適丁早暵之餘兼值瘡痍之後編民  
困弊厲邑彫殘如脫沉痾尚有呻吟之苦若保赤子

正須鞠育之恩誕降明綸式煩良牧恭惟 某官器  
宇宏博性天高明文為儒者之宗識通天下之務去  
就關人才之得失用舍繫朝廷之重輕蚤簡上知浸  
更要任當五百年之名世出替昌期執二千石之重  
輕獲觀善政六條初布千里爭馳威寒吏膽而聲疾  
雷霆化洽民情而恩濃雨露若水之清嚴為治比德  
猶慙子元之決遣如神論才尚小匪賢刺史孰能與  
此雖古循吏何以加諸第虞休譽之上間行難借寇



正恐丹書之下逮竚見徵黃用資作礪之求式慰為  
霖之望將使萬方之被澤豈惟一介之蒙休矧此孤  
蹤獲依巨庇伏念某箕裘素業韋布晚生鄉老薦書  
常切叨於首選賢關較藝繼每玷於上游數移絃誦  
之春秋熟厭蘓鹽之旦暮屬虜寇猖獗之際當國步  
艱難之時義士痛心忠臣抗腕詔音懇切大興籌策  
之科士氣奔騰樂赴功名之會競陳謨直爭吐英奇  
遽叨武弁之光翫笑儒官之悞三年戎幕幸脫身虎

口之中十載書林恥投迹龍門之下念歎淬詞鋒而  
再舉誓將攻筆陣於萬全奈家徒壁立之空及門有  
偏親之養歛版一官之列知我者天折腰五斗之間  
為貧而仕顧惟孱瑣尚冀矜憐矧居桑梓之邦親被  
袴襦之化拭目快爭先之覩傾耳聞來暮之歌敢陳  
不腆之辭以冀非常之遇鶴鶴有託已幸遂於巢林  
燕雀何知庶獲伸於賀厦成文狂斐竚命驚皇  
聖宋名賢五百家播芳大全文粹卷六十二終



西京名觀五百家詩學大全文粹卷六十二

然道同味亦難由等閒良知文非斐然命蕭星

不與之籍以真非常之聖體歸而論山幸茲於業林

有謝之山於自老早老之歸而且爾來暮之海填新

詩從西封爾斯賦賦尚真命辭賦武帝林之賦賦歸

爾歸之秦後社一言之四以雅俗天林難正其之間

真舉言物又華朝合海全名名外雙立之空必門俯

一二中十





